

Broj: 05-1-50-4-343-1/20
Sarajevo, 16.04.2020. godine

HITNO!!!

**BOSNA I HERCEGOVINA
MINISTARSTVO SIGURNOSTI
Koordinaciono tijelo Bosne i Hercegovine za zaštitu i spašavanje
Trg BiH 1
71 000 Sarajevo**

Predmet: Informacija i zahtjev za dostavu preporuka, *traži se -*

Zbog opće poznate epidemiološke situacije u zemlji povezane sa sprečavanjem širenja epidemije korona virusa COVID-19, Vijeće ministara Bosne i Hercegovine je dana 17.03.2020. godine, donijelo Odluku o proglašenju nastanka stanja prirodne ili druge nesreće na teritoriji Bosne i Hercegovine („Službeni glasnik BiH“ broj 18/20), kao i Odluku o postupanju institucija Bosne i Hercegovine u cilju osiguranja zaštite života i zdravlja zaposlenih zbog opasnosti od moguće pojave epidemije zarazne bolesti prouzrokovane korona virusom (Covid-19) („Službeni glasnik BiH“ broj 18/20). Također, Republika Srpska je donijela Odluku o proglašenju vanredne situacije za teritoriju Republike Srpske („Službeni glasnik RS“, broj 25/20), dok je Federacija Bosne i Hercegovine donijela Odluku o proglašenju stanja nesreće uzrokovane pojmom korona virusa (COVID-19) („Službene novine FBiH“, broj 21/20).

Uvažavajući vanredne okolnosti sa kojima se Bosna i Hercegovina suočava, te sve odluke nadležnih organa, Centralna izborna komisija BiH je jednoglasno usvojila Inicijativu za pokretanje postupka za donošenje Zakona o dopunama Izbornog zakona BiH, te je istu dostavila Parlamentarnoj skupštini BiH. Navedenom Inicijativom, Centralna izborna komisija BiH je inicirala minimalne izmjene Izbornog zakona BiH, kroz dopunu Izbornog zakona BiH, koja bi Centralnoj izbirnoj komisiji BiH omogućila donošenje odluke o odgađanju raspisivanja i održavanja izbora, kako bi se spriječilo provođenje izbornih aktivnosti iz Izbornog zakona BiH, u vrijeme proglašene prirodne nepogode i druge nesreće, odnosno u vrijeme vanredne situacije. Uzakujemo da predmetna Inicijativa nije zasnovana na predviđanju razvoja epidemiološke situacije u oktobru kada bi redovni izbori u skladu sa Izbornim zakonom BiH trebali biti održani, nego na nespornoj činjenici da se u aprilu kada bi CIK BiH trebala provoditi pripremne aktivnosti koje prethode raspisivanju izbora, suočavamo sa ozbiljnom epidemiološkom situacijom, kao i na činjenici da je vrlo izvjesno da će navedena epidemiološka situacija biti aktuelna i u maju.

S obzirom da nije poznato da li će navedena inicijativa biti usvojena, a da bi već početkom maja trebala biti donesena odluka o raspisivanju Lokalnih izbora 2020.godine, Centralna izborna komisija BiH provodi aktivnosti koje je u zadatom okviru moguće provesti i ovim putem vas informišemo o određenim izbornim aktivnostima koje je potrebno provesti u mjesecu maju i junu nakon raspisivanja Lokalnih izbora 2020.godine. Informaciju dostavljamo kako bi sve nadležne službe za zaštitu i spašavanje bile upoznate sa aktivnostima

koje je neophodno provesti a koje bi mogle imati određeni nivo rizika s obzirom na trenutnu situaciju:

- Odmah nakon raspisivanja izbora počinju teći rokovi za ovjeru političkih subjekata. Neophodni obrasci su dostupni na internet-stranici Centralne izborne komisije BiH, a isti se štampaju i mogu se preuzeti i u sjedištu. Međutim, originalni obrasci za prikupljanje potpisa podrške nisu dostupni na internet-stranici *i u stampanoj formi se preuzimaju isključivo u sjedištu institucije, lično ili od strane punomoćnika*, uz vođenje evidencije o serijskim brojevima izdatih obrazaca. Spisak sa potpisima podrške sadrži ime i prezime, originalni potpis birača, njegov JMB i broj lične karte, kao i lične podatke osobe zadužene za prikupljanje.
Po pitanju predaje prijava, dosadašnja praksa je podrazumijevala *isključivo ličnu predaju prijave za ovjeru i prateće dokumentacije, odnosno kandidatskih listi*, a što se evidentiralo u zapisniku o primopredaji. Međutim, prijedlog Pravilnika o prijavi i uslovima za ovjeru političkih subjekata za Lokalne izbore 2020. godine predviđa mogućnost elektronske i poštanske dostave dokumentacije.
- Političke stranke i nezavisni kandidati (status nezavisnog kandidata imaju i kandidati grupe od najmanje 40 građana i udruženja za popunu garantiranih mandata za pripadnike nacionalnih manjina) su dužni uz prijavu za učešće ne Lokalnim izborima 2020. godine, podnijeti svu propisanu dokumentaciju i priloge. Također, uz prijavu se podnosi *i utvrđeni broj potpisa podrške birača* koji podržavaju prijavu političke stranke i nezavisnog kandidata iz člana 4.4 stav (5) tačka 5. i 6. Izbornog zakona BiH (*100 potpisa birača upisanih u Centralni birački spisak za izbore za općinsko vijeće, odnosno skupštinu općine za načelnika općine, u općini u kojoj broj birača birača upisanih u Centralni birački spisak na dan raspisivanja izbora nije bio veći od 10.000 birača, ili 200 potpisa za izbore u općini u kojoj je ovaj broj bio veći od 10.000 birača upisanih u Centralni birački spisak*), izuzev ako su oslobođeni od prikupljanja istih. Iskustveno, prijave se u najvećem dijelu predaju u posljednja 2-3 dana roka za predaju, *uz povećan protok stranaka i formiranje redova*, iako se u tu svrhu formira veći broj timova za prijem dokumentacije.
Za Lokalne izbore 2016. godine, obrasce za prijavu *preuzele su ukupno 132 političke stranke i 524 nezavisna kandidata..*
- *Za potrebe unosa i obrade podataka Centralna izborna komisija BiH za svake izbore angažira dodatno osoblje uposleno na određeno vrijeme i ugovor o djelu (cca 50 osoba na unosu podataka)*. Unos podataka o političkim strankama i nezavisnim kandidatima vrši se kontinuirano u aplikaciju JIIS, za Lokalne izbore 2016. godine Centralnoj izbirnoj komisiji BiH *podneseno je ukupno 346.559 potpisa podrške na propisanim obrascima.*
- Preliminarni birački spisak je izvod iz evidencije Centralnog biračkog spiska koji se koristi u svrhu omogućavanja uvida javnosti u podatke CBS-a i eventualne ispravke kod nadležnog organa. Centralna izborna komisija BiH sa stanjem na dan raspisivanja izbora sačinjava ove izvode, štampa i dostavlja ih prema općinskim izbornim komisijama u periodu 134-121 dan prije dana izbora, *koje ih izlažu na prigodan način na uvid javnosti u centrima za birački spisak, mjesnim zajednicama i drugim pogodnim mjestima, prema utvrđenom planu izlaganja, te omogućuju svim zainteresiranim osobama uvid u njihove podatke.*

- Državljeni BiH koji privremeno borave izvan BiH ili imaju status izbjegle osobe iz BiH da bi se nalazili na izvodu za glasanje izvan BiH dužni su za svake izbore podnijeti prijavu i prateću dokumentaciju, koja mora biti primljena do roka koji odredi Centralna izborna komisija BiH. Prijava se dostavlja putem telefaksa, poštanskog pretinca, ***lično*** ili e-mailom, a prijave se unose i aplikativno obrađuju u Centralnoj izbornoj komisiji BiH.
- Na Općim izborima 2018. godine Centralna izborna komisija BiH je zaprimila oko 100.000 podnesaka u vezi sa podnošenjem prijava za upis birača za glasanje izvan BiH, od čega ***10.400 putem faksa i lično***, 14.000 putem poštanskog pretinca, te oko 70.000 e-mail poruka sa prijavama za glasanje putem pošte,
- U skladu sa članom 1.1 stav (1) tačka 9. Izbornog zakona BiH pod raseljenim licima se podrazumijevaju državljeni BiH čiji je status raseljenog lica utvrdilo nadležno tijelo za pitanja raseljenih lica u skladu sa zakonom. Raseljena lica koja imaju biračko pravo imaju mogućnost da se, popunjavanjem propisanog obrasca i dostavom dokumentacije u propisanom roku, izjasne da li žele glasati lično u općini prebivališta iz 1991. godine ili u odsustvu u općini u kojoj imaju boravište. ***Zahtjev se podnosi lično u općinskom centru za birački spisak.***

Uzimajući o obzir trenutne zakonske norme Centralna izborna komisija Bosne i Hercegovine mora najkasnije do 07.05.2020. godine donijeti Odluku o raspisivanju i održavanju Lokalnih izbora 2020. godine koji bi trebali biti održani 04.10.2020. godine. Odmah nakon stupanja na snagu odluke počinju teći zakonski rokovi za provedbu gore navedenih aktivnosti.


Za realizaciju aktivnosti potrebno je osigurati maksimalan angažman svih zaposlenih u Centralnoj izbornoj komisiji BiH (7 članova i oko 60 zaposlenika), dodatni angažman službenika koji bi radili na osnovu ugovora o djelu (cca 50 službenika), angažman članova osnovnih izbornih jedinica (560 članova), omogućavanje slobode kretanja predstavnika političkih subjekata (preuzimanje i predaja obrazaca, za lokalne izbore 2016. godine obrasce su preuzele ukupno 132 političke stranke i 524 nezavisna kandidata), aktivnosti prikupljanja potpisa (za lokalne izbore podneseno je ukupno 346.559 potpisa podrške), izlaganje preliminarnih biračkih spiskova u centrima za birački spisak, mjesnim zajednicama i na druge pogodne načine,

S obzirom da je na snazi niz restriktivnih mjera izdanih od strane nadležnih institucija zaduženih za zdravlje i sigurnost građana a da Centralna izborna komisija BiH mora pokrenuti aktivnosti koje su ili u koliziji određenim mjerama ili naložene mjere znatno otežavaju provedbu ovih aktivnosti i na posredan način utječu na organizaciju ravnopravnih i slobodnih izbora (omogućavanje osobama starijim od 65 godina obavljanje aktivnostima kojima će im se osigurati pasivno biračko pravo) ovim putem obraćamo vam se sa zahtjevom za davanje preporuka u skladu sa članom 17. stav (1) tačka c) Okvirnog zakona o zaštiti i spašavanju ljudi i materijalnih dobara od prirodnih ili drugih nesreća u Bosni i Hercegovini („Sl. glasnik BiH“ broj 50/08). Zahtjev podnosimo u cilju koordinacije svih aktivnosti sa nadležnim institucijama i izbjegavanja donošenja odluka i postupanja koja bi bila u suprotna naloženim mjerama u cilju zaštite sigurnosti i zdravlja svih uključenih aktera.

Napominjemo i da je odredbom člana 2.1 stav (3) istog zakona, propisano je da su svi organi vlasti na svim nivoima i dužnosnici u Bosni i Hercegovini i diplomatsko-konzularnim predstavništvima BiH obavezni pomagati organima nadležnim za provedbu izbora.

Potrebno je da tražene preporuke dostavite u što kraćem roku, kako bi Centralna izborna komisija Bosne i Hercegovine blagovremeno izvršavala zakonom propisane nadležnosti.

S poštovanjem,



Dostavljeno:

- naslovu
- a/a

Danijela Ozme 7., 71000 Sarajevo, Bosna i Hercegovina
Telefon: +387 (0)33 251 300 **Fax:** +387 (0)33 251 329 **E-mail:** kontakt@izbori.ba **Web adresa:** www.izbori.ba